



**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

De eo q[uo]d in Michea scriptu[m] est, et suscitabimus sup[er] eu[m]
septem pastores, et octo primates ho[m]i[n]es. Qui pastores et qui sint
primates, et q[uo]d sit eos super Chr[istu]m suscitari, et ...

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

RVPERTI ABBATIS LXVII

TVITIENSIS DE GLORIFICATIONE TRI,

nitatis, & processione sancti spiritus, Liber. VI,

De eo quod in Michæa scriptum est, & suscitabimus super eum septem pastores & octo primates homines. Qui pastores & qui sint primates, & quid sit eos super Christum suscitari, & quod Moyses sit vnus de pastoribus illis. Ca. I.



VOTIENS DE GRATIA DOMI,

ni nostri Iesu Christi, sermonem facientes, ad memoriam reuocamus aliquid eorum, quæ magni patres & iudices Israel, in typum eius gesserunt, facimus uel facere cupimus illud, quod de ipso per Michæam Prophetam inter cætera dictum est. Et suscitabimus super eum septem pastores, & octo primates homines. Qui nam sunt uel fuerunt septem pastores, nisi Abraham Isaac & Iacob & Ioseph, qui ad Pharaonem introducens fratres suos, hoc profiteri iussit, uiri pastores sumus serui tui ab infantia nostra usque in præsens & nos & patres nostri. Verum quippe dixerunt, quia patres eorum Abraham Isaac & Iacob, & ipse Ioseph,

Mich. 5
Septem pastores & patriarchæ. Ge. 46

cum adhuc esset puer, curam habuerunt alendorum gregum. Abraham ergo & Isaac & Iacob & Ioseph. Iste quoque Moyses, quem dominus de rubo uocauit, cum pasceret oues Iethro foceri sui: & David, quem sustulit dominus de gregibus ouium, de postetantes accepit eum. Nonne sex pastores sunt. Quibus adde Abel, qui & ipse primus fuit pastor ouium, & septem pastores sunt. Porro octo primates homines, octo sunt præcipui iudices, qui notis & memorabilibus præliis uicerunt hostes, & de cæde uastantium liberauerunt Israel uide licet Iosue, & Othoniel, Ahot & Barach, & Gedeon, Iepthe, Samson, & Samuel. Et quid est istos septem pastores, & octo primates homines suscitare super eum, scilicet rectorem summumque iudicem Israel, qui ex te egressus est. O Bethlehem Iudæ, sicut ibidem in eodem Propheta præscriptum est. Quid (inquam) est, istos suscitare super eum, nisi demonstrare, quia typum eius isti prætulerunt, & ipse in ueritate compleuit ea, quæ isti in figura contigerunt. Nunc igitur pastorem Moysen hoc modo super eum suscitamus, ut secundum sacramentum rei gestæ, quam scripsimus, fateamur id quod uerum, quod pium, quod catholicum est, quia sicut de deo patre, ita & de deo dei filio procedit spiritus sanctus.

Exo. 3

Psal. 77
Gene. 4
Octo primates, octo iudices præcipui in Israel

I. Cor. 10

Item de uerbo suscitationis, quoniam suscitari dicitur id quod mortuum fuerat & reuiuiscit. Caput II.



Uisquam scriptura sacra narrauit de aliquo pastore siue primatu eius modi, tale quid dictum, tale quid factum, ut est hoc, quod dictum est à domino huic Moysi. Et auferam de spiritu tuo, tradamque eis: rursumque et locutus est ad eum, auferens de spiritu qui erat in Moysen, & dans septuaginta uiris. Eo magis hunc suscitare cupimus super eum, de quo secundum facti huius mysterium procedit spiritus sanctus, de cuius plenitudine (ait Iohannes Baptista) nos omnes accepimus, & gratiam pro gratia, quia lex per Moysen data est, gratia & ueritas per Iesum Christum facta est. Sed iam in primis non importune ratio quaeritur de uerbo suscitationis. Suscitur enim uel suscitari dicitur id, quod mortuum erat & reuiuiscit. Num ergo quod taliter actum est in Moysen, mortuum fuit. Plane mortuum, propter excellentem uitam quæ est in gratia & ueritate domini nostri Iesu Christi. Sicut enim Apóstolus, cum loqueretur de illa literaliter claritate uultus Moysi, quam uidentes filii Israel timebant, dixit, Nam nec glorificatum est quod claruit in hac parte, propter excellentem gloriam, id est, ad comparationem excellentis gloriæ, & de ista spiritus Moysi, recte dicas effusione, quia nec dicendum est quod fuerit uiuum aut uiuidum propter excellentem uitam, id est, ad comparationem excellentis uitæ. Recte ergo dictum est suscitabimus, id est, quod in Moysen factum, minus uitæ & utilitatis habuit, in Christo ueram esse uitam monstrabimus. Quare autem non dixit, suscitabimus in eo, sed dicere maluit, suscitabimus super eum. Nimirum propter minorationem eiusdem

Num. 11

Iohan. 1
Suscitabimus super eum

Exo. 34
2. Cor. 3

F. 4 domini